

錢塘縣志卷之二十九

錢塘縣知縣南樂魏嶸纂

節婦

明

吳氏

山陰席祥妻祥以避兵來錢唐娶氏生子未晬而祥歿氏年二十有六歎曰吾庸婦也義不當留父母家乃奉靈櫬絕濤江而東塋於先塋之次從其娣輩事舅撫遺嬰姑患瘍痛甚氏為吮之無難色親戚鄉黨稱其節孝

孫氏

吳怡妻生一子繼方二歲怡卒後舅姑相繼歿皆氏罄奩具以葬守節五十餘年壽近九十成化三年旌表

錢塘縣誌

卷之二十九

列女節婦

陳氏

名文婉張景忠妻孝敬舅姑生子方孩而景忠卒甫除服有諷其改志者唾去之携其孤日泣舅姑前舅姑亦泣下舅姑歿喪葬貧儉而稱禮

鄭氏

包謙妻父臨潼人任杭稅課大使携女隨任擇士之秀者歸之遂適包謙舉成化己丑進士授行人卒於京師鄭時年二十六遺孤光弼方五歲鄭遂扶櫬還家家貧勤女紉自給無間寒暑十指皆學課子讀書焚膏過夜半始就寢光弼以明經官貴

王氏

右衛前所千戶華榮妻年二十歸榮越五年榮死遺孤尚幼矢志守志至老不渝縞衣蓬首終身茹蔬不赴華宴家僮悉屏外戶

楊氏

孫玉妻年十九歸玉承事舅姑以孝敬稱居數歲玉感疾甚劇楊氏焚香願天剝股和糜以進病尋愈逾年疾復大作竟不起楊氏哀毀絕粒求以身殉姑論以養親存孤之義乃雪滂強食時年二十七人

有欲移其志者輒叱絕之終身不與言
稱未亡人教二子宗黼宗黻必以德義及身姑
歿罄奩具以襄大事二子皆賢黻尤以孝著治
甲寅奉詔旌表年八十七卒曾孫枝雪山西參政
陳氏 徐泰皓妻字妙善年二十一歸徐越三年泰皓得
危疾卒氏年二十四未有子苦志不貳事翁姑曲
盡孝養托所親勸翁納副室生子崑氏慮其幼弱盡
心撫育以至成立崑感嫂恩以母事之年五十七而
卒

陸氏雙節

張氏陸鎮妻年二十四鎮病故遺子榮誓死
守志鎮有弟陸二郎娶婦倪氏二郎卒於京
倪氏扶柩回杭竭力營葬同撫姪榮底於成立至正
德二年榮以二氏守節狀詣京具奏得旨旌表雙節
樹坊於其里

孔氏

字妙真金廣妻生二子廷珮三歲廷瑞方週廣忽
感疾卒氏年二十有七公姑衰老氏紡績極力供

錢塘縣誌

卷之二十九

列女節婦

二

養公姑歿罄家資以營葬具訓飭廷瑞讀書舉正德
丁丑進士仕至光祿少卿曾孫倬汀州府推官妙真
寡居五十年雖兄弟弗同坐雖童稚勿相授受正德十四年旌表

于氏

字永康應天府尹于冕之女忠肅公謙女孫年二
十一嫁吏科給事中張晟為繼室成化二十一年
晟奉命封滿刺伽國王道卒於贛輿輓歸杭氏聞喪
號痛嘔血欲死時年二十六不服華麗不食膏腴不
踰閨閫謹撫遺孤讀書成立歷四十二年如

勞氏

字妙祥年十七歸陳經經病歿止遺三女上無舅
姑下鮮兄弟氏年二十七誓死守志日夕勤織維
為生平生閉戶不出至親罕觀其面守節
四十五年七十二卒嘉靖十二年旌表

呂氏

年十九歸金樸甫數歲樸負貫商始蘓感疾卒呂
方二十七歲聞計痛絕既而幡然曰吾即死得矣
弱孤疇與撫高堂疇與事遂忿痛襄事粗衣淡食撫
育幼子山成立嘉靖十四年旌表三十五年郡城大

火將及其廬呂焚香祝天旋卽返風城
南萬井煨燼而金氏獨全人皆異之

蔣氏

適郡學生姚經正德丁卯經舉於鄉踰年卒氏年二十七呼天號痛矢志靡他孝養舅姑勤撫孤女選於宗屬得子銘為後銘又死以從孫彩嗣之督家眾勤織紉不墮先緒婆居六十年不窺戶閫不佞佛旌閭年八十七歲卒

張氏

凌桂妻歸凌數歲夫與舅繼歿遺孤僅五月氏年二十有六始夫歿時慟哭欲死為有孤與老姑在乃不死事婆姑備盡孝敬是時凌氏不絕如帶有強宗某圖攘其室嗾父張欲奪婦志婦誓死不許一日父張持挺呼婦甚急聲色俱厲婦舉聲大慟曰未亡人豈愛一死所以不死者為五月兒也且大人有女執節凌氏於大人不有光耶今父既不知女心吾生不如死乃舉頭觸棺首為碎裂鄰婦挾持之得不死父張計沮遂寢氏更截髮毀容以植遺孤與其立也命之日立含哀茹戚雪皎霜嚴六十年如一日孤長

錢塘縣誌

卷之二十九

列女節婦

三

登進士官至建昌守嘉靖間奏聞旌表加封太安人隆慶庚午二孫登名登瀛同舉於鄉瀛第一丁丑成進士戊寅節婦卒年八十八

錢氏

士人朱登妻年二十七登亡守志不二嘉靖間旌表

田氏雙節

朱氏字秀蘭年十八適田鳳甫二年鳳死無子氏矢志自潔躬刺繡以自給日惟蔬素蕭然一室雖宗嫺未嘗覲面守志四十年卒鳳從弟鵬妻毓秀亦朱氏年十九適鵬甫五載鵬疾亟朱氏割股為糜以進鵬竟不起遺孤大年甫三歲撫以成立不窺戶外垂五十年嘉靖中奏聞旌表大學士呂本為著傳建坊故里稱雙節云

鄭氏

年十九適王應奎甫六年應奎病卒氏年二十四遺二女贊贊子立誓死守志屏去膏沐自終喪後衿哀飲泣不苟言笑晚年王氏家益衰鄭就日家以養及女長適姚公器氏乃就養婿家年六十

陳氏

孝廉林萬春妻萬春疾卒陳氏哀毀不欲生

葉氏

何材妻材父嘗贅居梁氏復稱梁材氏敬順柔

九死所親勸之日梁何二族皆寡嗣息女得善婿庶

屏絕膏沐女既長贅婿楊兆金雖同居未嘗燕

陶氏

趙安妻年十八適安安以督運赴京卒於道氏年

指出血舅姑知不可奪勉從其志謝鉛華甘布

高氏

朱氏諸生高鑑妻二十三歲鑑卒守節四十

五年隆慶二年旌表

姚氏

高自瀛妻瀛文端公孫山陰官生早卒氏艾年守

志終身不見男子面以壽終萬曆四十年旌表

錢塘縣誌

卷之二十九

列女節婦

四

殷氏

海鹽人吳博妻宮詹學士太冲高祖母博少年高

歸而卒遺孤方四齡殷年十九知詩書有智畧度一

弱女子不能申理且族大莫適主名視博舍殮畢挈

孤載其柩乘夜遷錢唐之豐寧里居焉伶仃孤苦口

工針縷以給教其子讀書為口授大義嘗相與泣口

當爾父死時吾不一死以殉汝父念汝幼故忍苦至

今汝能自立吾旦暮即從爾父遊矣終身不言筵布

衣蔬食獨居一室寂不聞聲臨歿誠其子曰夫差爾

忘越王勾踐之殺爾父乎三呼乃卒吳氏之籍武林

自殷始子棠有文名

胡氏

餘姚人姜縉妻縉卒胡年二十四生二子長立三

歲次達一歲族利其貲欲奪胡志訟之官讞者欲

試之語曰爾少二子幼盡早決胡懼即拔骨簪刺雙

目流血盈塔目遂誓有司驚嘆杖族人而許以終身

於是徙居錢唐馨如里錢唐之有姜由夫人始也卒

年九十九嘉靖九年大火樞未殯立達號慟向火叩

頭風反得免繼孫子羔登嘉

靖癸丑進士國歸宗姜始大侯氏吳俊妻名淑宜保定雄縣人俊第進士為當塗令

以疾歸不起子光世方幼侯含哀撫孤初俊在時侯恐驚光世不動俊提筆投之筆銳入目中侯抱恙

手不可動流血被面日竟眇逮俊卒親戚構讐欲奪其產僮僕星散侯年三十二至京師依其兄大司馬

瓚居光世長舉順天戊午鄉試侯出俊居官時所欲上疏稿示之曰此而父志也汝勉之故光世能紹父

家聲侯既老獲食其報周氏名妙江杭州右衛人適本衛王葵葵病刲股愈之

後葵歿周年三十五諸子皆童穉葵語周曰若素有婦德吾死不以若為慮顧吾家世困行伍若能使

後人業儒以亢宗者吾瞑矣氏變生產以資膳讀守節五十三年家計日微而訓課愈切子若孫皆為諸

生有才名氏曰吾可以下見先人矣年八十七卒隆慶中撫臣旌表

錢塘縣誌

卷之三九

列女節婦

五

范氏何文貴妻生一子甫二歲而文貴以市魚賈于海舟沒海中屍漂泊不知所向范抱孤號哭江濱五

日有屍隨潮上止淺所死敗不能識既視其左手有約指文貴物也遂昇之以歸范年二十三守節不渝

正德十二年五月十七奏聞旌表

俞氏名敬淑十六適醫士郎經五年夫故痛哭服酒救

甦長齋布素撫二幼女繼姑張庇已生女迫淑更嫁淑截髮斷指以誓百計窘辱不可奪姑與族子瑛

謀鬻住屋百金淑痛欲死里人懼聞于縣令判罰其半與淑因旌其節瑛卒鬻之少與淑直逐之出淑不

得已措數椽獨居後字二女皆以婦德著氏苦節凡三十九年卒年五十八賣所

居屋以殮合葬南山飲馬橋張氏歸同邑陳綱嘉靖甲申生子瓏而病流注穢惡不可近張奉侍惟勤衣不解帶數月綱竟亡張年

第二十九乃謝脂粉誓死守志上... 徐氏名淑順年二十...

徐氏名淑順年二十... 夫故六年子亦...

錢氏 孝廉張杞繼室杞卒錢二十九所生子及前母子...

沈氏 武毅將軍李登勲妻年二十五歲...

陸氏 李鸞妻幼慧通書傳大義喜覽堪輿家言歸李數...

沈氏 毛偉妻年十九歸偉二十七而娶居是時父翁俱...

張氏 年十七歸鄒觀事翁大恭公姑季淑人恭且淑年...

沈氏 尚邦寧妻邦寧莆田人世業蹉占籍錢唐喜任俠...

沈氏 為入償負數十金以勞成疾卒沈矢志靡他撫育...

錢塘縣誌

卷之二十九

列女節婦

因從容諭氏更適氏慟哭弗聽姑不能奪持其兒去已復還兒氏歸守于母家年八十一貞操凡五十七年後應科先氏沒氏復撫其孫郡縣聞之三表其門

徐氏 沈尚友妻尚友卒時氏年二十有八遺孤二人長三歲次彌月氏誓死撫孤口刺繡自給辨色起漏西下乃已久之日盡腫手皆皴瘃號泣無以為計忽假寐見尚友曰吾已得請天帝憫爾慈節目復明創得愈兼賜神針足食力也驚覺病已其所刺繡益工且敏咸稱徐神針年七十有四卒

沈氏 參軍錢九臯繼室元配何有子六齡氏撫若已出與氏舉二子無異視及九臯歿京師親長諷之嫁志益堅孫世清山東按察司副使請于朝得旌

顧氏 朱琬妻貢生棟冕祖母琬生望族獨落魄遷于錢唐思為治生計然朝夕手一編食貧如故病卒氏二十三遺孤二忍死撫育年七十有四卒

錢塘縣誌

卷之三十九

列女節婦

九

毛氏五節 陳氏名秀芳十九歸毛珣逾年珣卒無子守志五十餘年備嘗艱苦七十一歲卒珣兄子

希仲娶婦許氏仲早卒氏年二十七足不踰閭終身茹素年六十五卒希冲二子長應鉉次應鏞鉉亦死逝續娶童賢而貞事姑三十年鑿冥紙為活後出一刀示子孫利方為園猶子先舒為作環刀贊辛年八

十二鏞娶孫氏游西粵客死無子家貧藜藿不給鏞同祖弟鏞娶許氏賢事姑孝敬待其姒從母家迎孫歸割居推食相依者五十年又有奇氏毛鴻翰妻三十而寡苦貞四十年世稱毛氏五節嗚呼可以風矣

王氏 顧雙橋繼室孝廉名俊之曾祖母年十九雙橋歿守節七十八年卒仁和令汪若樞聞其名願屏車從一見壽母氏堅謝之卒不見汪請于督學旌之

陳氏三節 高氏陳泰妻年二十二泰亡泰兄謙欲火泰棺迫高他適高截髮自誓乃止孤三歲名宗仁宗仁娶于卽舉子六歲而宗仁卒時卽年二十五與姑高共撫之高年七十六卽年六十一同卒于嘉

靖二十四年後泰孫新娶妻許氏年二十三新
亦守節五十年卒年七十三世稱陳氏三節云
沈氏 孝廉燦女十八歸倪朱謨姑楊病焚香額天刺股
營治不效死氏悲愴不欲生時年纔十九寡姑楊撫
慰之曰爾以死殉吾兒義也獨不念兒及吾乎乃不
敢言家貧養殮不繼取給十指時歲奇荒作粥弟食
其姑與子氏啜湯而已坐卧一小樓足不下樓者二
十餘年教誨龍以學果有成年四十
卒郡縣旌其門倪文正公爲之傳
傅氏 朱珏妻珏以祖任爲錦衣衛指揮使奉表京帥客
死傅年纔二十有一會寇亂家破氏生一女亦散
失依其母家已母死依其戚吳氏通書史能詩巢破
卵亡志不少變有疾不肯治卒年四十有六氏禮部
主事巖之女明亡巖殉
節死氏不愧其父云

國朝

錢塘縣誌

卷之二十九

列女節婦

十

蔡氏 李士鈴妻鈴病劇母翁氏憂鈴病不愈染心疾先
鈴死鈴聞之擗床號痛嘔血數升後十日隨卒氏
殮姑及夫經營喪葬哀苦不勝越七日亦死不半月
間隕其三人天之降凶何其酷也然母死于慈子死
於孝婦死於節不與草木
同腐何修短之足計哉

汪氏 孝廉楊天驕妻天驕字逸仲天才曠逸不治生產
家貧氏鬻釵珥佐讀成其名癸未計偕至燕病疫
卒計聞汪擗踊一呼日皆盡血驕素善飲氏見酒輒
悲不御酒醴者十年子度稍長使受業名師交當世
賢士車騎過者氏倚屏聽之客去則品藻之皆不爽
丁酉汪度副榜貢入太學偕子妾沈相依度日午
未炊漏殘猶
織聞者憐之

沈氏 鄒廷試妻試與庠生馬麗同研席相砥礪爲益友
後以世事寢衰兩人裂冠散髮遊山林間嘗以
死廷試無子而舅性嚴多獲譴惟
於沈無違言歿時猶稱其婉順云

王氏 馬麗妻夫死有子僅二齡氏守節三十餘年足不
及闕外而一初依父父死依兄兄亦歿形影相弔
熒熒孤露尤
為貞苦云

邵氏 幼通經史嫻書算適王之輔相敬如賓輔卒邵年
二十八欲殉夫死姑高慰之曰予老孫幼汝死我
二人何依乎遂拮据菽水敬奉姑嫜課子讀書皆口
授長子一麟為郡諸生以孝友聞次三人皆賢孝兄
弟妯娌無間言姑亡常至姑墓攀木悲號灑淚着樹
樹為之枯逾數年復茂鳩鵲巢其上人異之康熙十
一年巡撫范承謨具題
建坊附主於表貞祠

姚氏 胡萬銳妻萬銳隱居以書史自娛氏幼通典籍每
閱經史相難問為勝負閨闈之間相為師友其視
名利泊如也萬銳卒氏教子具有法度勉之曰而父
平生何如汝可不自愛乎子相率涕泣自責其訓諸
孫亦然遂皆有聲譽序守節益勵樂善好施如是者
四十年康熙十二年旌表後以子法遠職勅贈安人

錢塘縣誌

卷之二十九

列女節婦

十一

沈氏 字端玉江世旦妻旦文昭公孫也病瘵死氏自縊
者再姑慰止之氏性孤潔寡言笑夫亡益棗鉛華
好黃老家言常諷諭不輟母以父仕將北上慮氏哀
痛傷生誘之登舟密戒榜人使夜發天將明至石門
玉知號泣欲投水死不得已令買舟歸歲海饑姑性
頗嚴玉脫簪珥衣飾佐以織紉得不饑後父母兄嫂
相繼客逝玉代經營窳窳封樹悲
哀年四十卒守節二十有二年

車氏 朱志達妻年二十八達亡三子皆幼弱所居近州
署比屋多椽吏尚華靡氏獨教子入社學明大義
以淡素聞長子昌明能自立
有聲譽守節三十有二年

王氏 楊士毅繼室翁姑早逝士毅有兩幼弟王撫育之
長為擇配二十八歲毅亡屏珠玉卻綺縠長齋繡
佛操作艱辛舅姑并毅前配三棺俱在淺土氏皆為
之葬遺孤樹駿纔五齡課誦訓誠得有成立年五十
九卒撫院范承謨奏聞
建坊湖上主祠表貞祠

徐氏

楊許玉母也玉父歿負郭無田敝廬不蔽與玉形影相依然天性嚴毅課誦讀以夜分為率冬寒擁被篝燈帳中久之帳頂如墨戊子玉舉於鄉少得當甘旨以奉謁選得谷縣令以最遷太原郡丞徐年七十餘患怔忡得報涕泣陳情解組歸孫錫頑官高郵州同能詩善文治河績最一時

滕氏孫氏

皆庠生翁常節室節歿滕絕食死未幾繼子駿業亦死孫與媳孫氏共守艱苦備嘗冰心

玉映人稱雙璧

袁氏

費彥甫妻年十六歸彥甫越一歲夫亡時當明末寇盜充斥氏流離百折矢死靡他撫姪而姪殤依壻而壻天胞弟又幼弱親族無可倚者其婦甥贈尙書徐翼隣雅重氏苦節迎養於家垂五十年年至七十有四而終撫憲張學憲靳彙題奉

旨旌表

姚氏

吳漢翀妻翀少好學受知於吳宮詹太冲初連舉三女謀置妾幸妾有娠漢翀歿數月復舉一女姚

錢塘縣誌

卷之二十九

十三

撫之哭幾絕曰有子漢翀不死今生女將奈何營葬龍泓雪深柳車不得行姚禱於天忽開霽一夕夢神

語曰明年應謝世緣乃跪請曰氏死何憾但身年老無子願假歲月以終身年身歿為立族子承其祧越一年神復入夢謂曰爾願遂矣詰朝無疾卒

沈氏

諸生金萬鈞妻年二十有二萬鈞卒上奉老姑下教幼子守節四十年有司旌其門曰節孝

張氏雙節

李氏張懋德妻年二十六德死姑沈在堂晨昏奉膳必極豐腆姑足痿李肩負出入者十年後姑手腕復廢氏挾七箸哺之與共臥起凡溲滌抑搔之役無不躬親又七年始卒其姒傳早歲孀居相依無間言里中謂

張氏有兩共姜焉

陸氏

沈仁基妻少嫻內則通孝經年二十九仁基卒絕粒七日時子晉垣九歲泰垣七歲家貧出就外傅氏勗以大義晉垣讀書山房獲逾兒將執之氏曉晉垣曰此故家子弟困貧至此可釋之長齋事佛數十

鍾撫育如已生恩勤備至守貞四十餘年卒其妯吳氏事父母與姑共以孝聞

凌氏

諸生王德隆妻有至性事舅姑以孝聞舅克家崇

癸未八月一日執姑之喪十四日夫德隆卒卒之日則其舅卒於官之日也遺孤止周歲又殤氏誓不食以死殉勸之者曰而翁喪未歸兩喪又在堂夫人死誰為主者乃勉一食凍水素清節桐棺柳窆織悉無所遺及喪歸逋負反累千百廢其產不足償氏涕泣曰吾不忍吾翁在九原有負人名辛若拮据必盡償之乃已君子曰氏為名臣女孫為廉吏子婦而所遭慘酷至此豈天道無知耶氏以二十九歲稱未亡人守節三十有四年

路氏

傳相妻相就姻於路結縭三日氏謂相曰子得婦母失子矣忍以妾故離膝下耶於是夫婦偕歸拜

姑於堂親操井臼盡子婦職居不數年而相逝氏年僅二十四衣衾殯葬靡不竭誠盡禮神形交瘁猶事

錢塘縣誌

卷之二十九

列女節婦

十四

姑不倦子夢熊十六歲氏病轉劇謂子婦顧氏曰吾不能久存於世吾有姑在汝善事之向姑嗚咽涕泣而終年三十四歲

顧氏雙節

蔣氏毛氏娣姒也俱豐寧里人一適諸生顧儒英年十八儒英病死蔣方盛年生一子而

寡遂剪髮誓無二志茹苦食貧卒長養其子俾讀父書毛氏適儒英同胞弟奇英幼善病倉卒成婚毛侍湯藥未嘗暫離後十月夫死矢志不二家貧無嗣糊口女紅十指流血同室二人共相砥礪今蔣年七十有一毛年七十有二有司表其門

魯氏雙節

王氏貢生魯大僉繼室未三載而大僉死無元配所生二子如已出家貧教其子以成立

守節四十七年七十五歲卒長子諸生希曾娶潘氏未一年而希曾死潘守志不移無子立從子登為子登為吏以勤慎稱守節六十五年八十四卒人稱為魯氏雙節先是潘有妹三姑者守貞不字世稱三

年如一日衣垢徹至數十浣通荒歲則儲易米以共
兩祖姑之膳年五十餘卒雷區為名諸主以事終世

馮氏 吳興周妻 夫早死於燕有老母于南上 馮氏年二十
七忍死以養母習女紅為朝夕供事 夫死後 馮氏

曾氏 湯又新妻 守節三十餘年 治家整肅 門內稱賢
婦者十有一人 其皆聞氏風而興起 入就賢之

徐氏 蔣佺妻 初佺讀書 紫陽山麓 好篝燈夜讀 日漸失
明 姻戚多姍笑之 謂徐無授室理 徐聞獨曰 古人

不以婦瞽棄成言 吾敢以夫盲別黜乎 誓死赴佺家
甫二年 佺卒 弟陳氏賢且能 徐欲讓陳主家政 陳不

從 兩人淑慎
相得如姊妹

唐氏 金志達妻 年二十而寡 守節撫孤家貧艱苦百狀
年近五十 歿次年子大章又歿 妻毛媵亦少寡居

父先舒家
一子曾

嚴氏 徐可大妻 可大年十四 首薦於邑 為諸生十七而
斃 二十一年而天 父行忠曰 此子早慧 無壽骨 吾向

錢塘縣志

卷之二十九

列女節婦

五

憂之 今不幸億而中命也 新婦賢當為立嗣 嚴
觸屏欲死 其兄沈數勉止焉 守節五十餘年 卒

張氏 金祖錫妻 年二十六 夫歿 茹齋編素 所居陋巷 足
不踰闕 家貧舅姑老且病 十指辛勤 以供甘旨 姑

歿 附身附棺 竭力營辦 翁歿亦如之 氏無出以從 子
潛為嗣 康熙乙酉年 卒 苦節三十九年 如一日云

余氏 翁志謨妻 志謨從賈遠適 數年不歸 久之志謨死
子三人 皆早世 僅遺腹一人 氏守志不移 林學僉

環稱其堅忍過
人 男子所難

徐氏 雙節 王氏 徐文遷妻 十九適文 遷二十八而文遷
卒 孤甫三歲 門戶零落 王涕泣經營 教孤成

立 孤長名增英 為娶婦 李李賢明 與增英相敬如賓
年二十三 生子恒德 而增英又卒 李動哭曰 天乎 願

假我四十年 俾我得代夫育子 以扶衰宗 吾
願畢矣 子恒德年四十 卒 人稱為雙節云

蔣氏 前癸丑進士沈必成妻 年二十五 必成以考選 館
職 卒於燕 邸計開 乃毀容廢沐 行不踰闕 嗣子兆

姑而潘之志行與三姑同世又稱潘氏二難云

陸氏 年生姚垣妻年二十一歸垣二十三而垣卒生子

奉姑避居深村時氏父伯培亦避他所消息不得通

會姑率持猪猪任人稱爲孝舅元愷遠遊不歸每嘆

日安有爲人子婦而不及定省乎與化培

計必迎歸乃已守節四十年今六十四

楊氏 沈贊化妻年二十二贊化死惟一女氏撫棺慟曰

君家承流無主常侍君哀下耳欲死之隣媪勸止

氏朝齋暮鹽同其弟必行居足不歸聞衣不見裡俯

鞠其女歸朱錫九守節三十餘年五十有四卒錫九

爲合葬於八盤嶺之

東康熙十二年旌表

茹氏 將軍王寅妻年二十一歸於寅崇禎十年流寇犯

淮泗寅調守陵寢歿於盱眙茹時年二十五將媿

身聞計躡踊號哭胎應聲而墮則男也已復產一男

蓋孿生云遺子法平二歲當授父蔭氏憾夫死王事

列女節婦

五

錢塘縣誌

卷之二十九

五

不使襲職家貧躬治米鹽以佐誦讀六十七卒康熙

十七年浙撫陳秉直題請 特命建坊附主表貞祠

江氏 張所修妻十四歸修二十四而修得疾知不起以

目視汪曰吾死汝何如汪泣卽舉刃斷一指血淋

漓以進曰以比指 殉君地下脫有不虞當忍死教

孤以成君志修乃瞑目逝事舅以孝聞教其子女皆

有成立守節

三十年卒

胡氏 李士謀妻士謀死氏年二十四痛夫早亡事舅姑

以孝姑病瘵力撫入歲幼叔幼姑纔週歲身乳之

書建坊坊建豐寧鐵冶嶺麓壽

驗康熙二十三年奉

後姑與叔長大皆分已奩資使完嫁娶康熙庚申秋

大火比隣皆灰燼氏號泣籲天卽風反滅火已卯端

陽又火燒數百家及李門而火熄先五日李夢關帶

端坐前堂叱一絳袍者曰此節孝門也汝不得入絳

袍者唯唯而退

楊氏三節 陳氏楊之 四十而之挺卒氏守志訓

其子及孫皆有成立年八十五而卒朱氏楊

之橫妻之橫疾朱為禮斗以延其生跪拜促數兩膝為枯年三十而寡至七十二而卒朱氏廩生楊喆之繼室喆娶朱三月而喆死朱毀容截髮誓以死殉康熙二十二年里人歷舉楊氏一門三節允旌表

劉氏 癸酉舉人沈昭遠妻歸昭遠三載而昭遠死遺幼九鼎躬自教育守節五十年今年七十有八

潘氏 何奇谷妻奇谷有惡疾潘結縭後竭力事之無怨言到股救姑病得愈奇谷死家貧無子潘立志守節大序有曰荜莒之詩以婦人見君子有

惡疾能守而不去也若潘氏者其近之矣

丁氏 儒士胡士龍妻夙嫻詩禮克敦婦道姑疾醫藥罔效氏禱於天判股作羹進姑姑愈未幾士龍卒氏

年尙未三十堅貞自矢教子成立康熙二十二年有司舉其苦節俟旌表

施氏三節 徐氏適施繼山繼山得痿痺疾氏請以身代山卒時氏年止二十遺孤三人家貧誓不更

嫁以針紉為業三兒饑寒夜不能寐徐以身熨之而寢每瀝粥為飯以飯飯子而自飲其瀦後長子稍長列女節婦

錢塘縣誌

卷之二十九

六

以勞瘁病痢泣日母恩至矣兒不幸死將告於冥司必得請還養吾母母子抱持而泣俱仆地徐恍惚見神女珠冠絳袍臨其家驚而醒子亦漸甦由是家漸給而攻苦食淡四十年如一日其次婦經氏年二十餘夫死守節綽有姑風孫元龍以名諸生早卒妻孫氏年二十有五稱未亡人今已三十載蓋苦節見之三世

云

陶氏 會稽陶公望齡之兒子許字孝廉凌克開其舅死

喪事旬日克開歸家慮於柩側三年之喪畢始行合

開有名於時領鄉薦再上公車以疾卒京師氏為教

其子躬操作持門戶歲丙午大火焰及姑廬氏哭曰姑盲無自出理苟姑不幸寧同死耳奔火所抱姑以

出後姑年八十卒訣口願世世為母子報婦恩也康熙二十二年土民以聞待旌獎

張氏 項毓讀妻夫覆舟死氏奔赴投江舟人救之得生

守節孤始終如一子景脩婚畢遂決意絕食而死媳何氏夫喪亦能矢志茹齋編素兩世貞節人交頌之

孫氏 孫之挺女幼承父訓習詩書端莊貞靜年十七適徐茂芳甫五載生子長齡僅六月而芳卒氏哀痛

幾絕偕其姊趙氏艱苦撫孤多歷年所前郡守丁旌其門

陳氏 陳堯道女年十四母病額天割股以救母尋愈年十八適段起鴻

國初乙酉起鴻以叅謀隨大軍征閩死王事陳時年二十九聞之自縊者數家人救之得甦遂布服長齋守志

終身教子孫以義方卒年六十四子端州同知

張氏 年十五適孫五郎憶峯生三女夫亡無子脫簪珥為塋費塋之日族人私語曰五郎既塋此併長與

新婦生死辭矣婦尙少豈復能歛衽墓門耶張聞之即廬墓不去長女歸舍人張文禮迎氏養之始入城

錢塘縣誌

卷之二十九

七

上其事於漕使者旌其閭曰誓墓完貞年七十六而歿卒與五郎合塋云

姜氏 處士宗股女婉孌有志操適鄭生源鄭好神佛祀純陽為師與姜憲副苗南金臬長鎮微時稱呂門

三子有集行於世源以負奇死氏苦節貞守所居近市樓居凡三十年至親罕有識其面者

陸氏 陳博學妻博學卒氏年二十餘上事舅姑下撫三子廷錚廷鈺紡績夜課艱苦備嘗子亡復撫諸孫

相繼有名年八十卒

陸氏 太學陸燾女生而端慧讀書通大義十七歸嚴勸渤少稱奇童歲乙酉避亂禹航山中感疾遽隕遺

腹子曾相伶仃孤苦氏事舅姑孝謹一如渤之事父母訓孤嚴雖旬讀必親自口授寒暑不輟其妯王徐

相繼歿多遺子女氏撫養已出凡苦節三十四年

陸氏 名善虛沈循繼官工部員外著福建按察使時宦遊南北氏獨奉姑以居得姑歡循歿側室鄒

遺一子氏訓鞠之如已子循清白吏時時舉債身後
又多家難氏茶苦備嘗隱忍以保諸孤人更難之
金氏 裔國秦妻幼秉志操年十九歸秦秦患瘧疾金刺
臂血為疏顙天病遂愈後秦以累疾死氏號慟欲
以身殉姑諭之曰死與立孤孰難吾老矣汝勉為其
難者氏時年二十九屏膏沐勤紡績上奉老姑下撫
幼子備嘗荼苦姑病卧床蓐者垂二十年金扶掖不
離左右侍湯藥惟謹姑歿喪盡禮教子具能成立
今八十有六矣
守節五十七年

楊氏 孫學敏妻氏故望族明萬曆丙戌進士應時女孫
年二十三而學敏卒事舅姑以孝聞有疾嘗割股

以進而愈教子逢吉有
聲庠序康熙九年旌表

王氏 汪知元妻知元新安人以業蠶家於杭知元早亡
氏年二十五歲事舅姑以孝聞教二子必遠德秀

俱成立有聲於庠卒年五十三歲○王邵氏楊王氏
孫楊氏汪王氏皆巡撫范承謨奏旌四姓共建一坊

錢塘縣誌

卷之二十九

列女節婦

六

於西湖
表貞祠

王氏 高待聘妻十八于歸年二十二而夫死時長子甫
一歲有遺腹孤氏幼通經史躬自教督俱成名士

性方嚴知大禮不苟言笑隣火及其室但攜二子及
木主以行他弗顧也次日有以高氏物為人誤取告
者扁鎖宛然封題如故却而不視曰物固有相類者
長姒性福急能下之遂相敬愛每語二子曰高氏子
姓以祖宗視之俱一氣也汝曹慎毋
忘順治十五年巡按王元曦旌獎

徐氏 姜士鑑妻年二十六而士鑑死氏矢志守貞撫育
四孤成立事姑克盡婦道年今七十二歲長孫弘

緒知直隸藁城縣事諸
俱入邑庠縣令旌其門

尚氏 許鼎昌妻事舅姑以孝聞始死長號
一慟而絕康熙十五年有司旌其門

張氏 沈杰妾杰卒氏年二十有九家貧父母欲奪之不
可有豪強委禽氏嚙指出血斷髮自誓日夜工織

作以事其媯媯有疾割股以進杰概未嘗
氏百計營葬教兩孤成人年六十有六卒

俞氏 楊蓮原妻六年十八適蓮蓮昆弟俱有聲學字銳
意進取蓮患瘵疾氏方產女未三日遽起視湯藥

蓮竟不起氏椎心絕粒約慰百方弗聽暮夜乘間投
於井井窄不可下如行神天授之者舅姑驚且諭之

爾爾不可死爾爾未立緝女無伎是真死爾夫也氏
遵命守節繼姪菟臣為嗣喪事畢始與孤女勤十指

自給後室遭回祿囊篋益空子媳孤孫相繼殞歿
熒熒嫠婦守空幃者五十餘年各憲題請旌表

馮氏 周羽侯妻武康人十八歸周辛勤旨蓄上事其兩
世舅姑咸稱孝婦未五載羽歿遺孤大昌甫八十

日念宗祧一綫垂白在堂不敢就死因含淚指持殯
葬祭祀黽勉有無大昌幼善病百計鞠育鬻釵珥以

佐脩脯篝燈課讀每漏下十餘刻方就寢大昌承志
淬勵補博士弟子員今年已六十苦節者三十九載

當事屢旌
獎其門

錢塘縣誌

卷之二十九

列女

九

雙節李氏于氏 李氏錢彪妻甲申結褵適居滄桑舅士
璋孳屬逃避山谷田廬蕩燼彪懼疾遠

歿李茹荼集蓼撫諸藐孤備歷艱苦年八十卒于氏
錢俸妻忠肅公孫歸俸時值耿逆猖獗氏父以從征

入閩死俸以婿奔喪感疾卒于號慟屢絕誓不願生
適母喪踵至遂毀瘠殉身彪與俸兄弟也人稱一門

雙節

云

張氏 蕪湖令楊志明繼室志明本暨陽人筮仕有聲卒
於官時張年十八遺孤啟辰甫五月氏念楊氏宗

祧含哀教養俾得成立後啟辰應除州倅以親老不
願仕寓居錢塘媳王氏亦早寡柏舟共誓孝姑鞠子

盡瘁三十年張年八十八歲王亦七十相繼
壽終諸孫林立勿墮先業人謂節孝所至云

吳氏 謝懋俊妻二十一歲俊
氏欲奪氏志終不許事
姑盡孝始終不懈有弟

貧困完其婚姻戚里相告者
必肩卸之性勤儉蔬布

終身終享必誠敬貞操五
載七十歲卒學院錄

題請建坊子重綸以孝子稱
崇祀旌德祠亦顏所並也

許氏 王英妻年二十二英歿長子宗方孤泣次子容
孕而未育也家無餘產雪幃霜燈以教育其二子

督課嚴切相繼為名諸生年八十二
歲卒丸熊畫荻之教當此所傳頌焉

李氏 包紹穀妻年十九適紹穀二十九而夫亡四壁蕭
然棺衾莫辨氏盡變膏餼以經屯喪葬菴孤程壽

纔四歲耳晝夜操作佐衣食寒暑勿敢辭痺足不下
樓者二十年子幼且善病九歲時忽嬰危疾不食凡
九日氏呼天泣曰我所以未從良人於地下者徒以
延此一綫也苟孤不育何以生為百計療治得愈力
不能就外傳晨夕口自課誦稍見有意色輒以手掩
卷涕淚垂訓用是感發淬厲蜚聲譽卓辛卯舉鄉薦
乃懸影於庭舉酒奠告曰我乃今庶不負我夫子乎
會

恩詔下里黨欲為呈
請氏堅辭乃止

錢塘縣誌

卷之二十九

列女節婦

二十

沈氏 庠生成之泓繼室 十九歸成撫前子女以
恩旋舉三子二十九歲而寡家難疊興備嘗荼苦

教三子俱成立脫簪珥以延名師篝燈夜課絡繹與
書聲相間苦節二十五年而卒方伯郎 廉得其實
表其門曰荻影清霜諸子皆
遊庠長子廷楫辛卯登賢書

徐氏 梁欲濟妻十九歲于歸奉養翁姑闔里稱孝年二
十八夫亡子永錫方五歲恩勤教育針指佐讀拮

據婚娶獨歷艱辛乃永錫又蚤卒孤孫畿亦止九歲
氏之盡心撫育夫畿也猶前之盡心撫育永錫也茹
藥舍冰身歷三世今畿已游
庠報劉有日矣年九十卒

洪氏 吾丘瑛妻夫亡時遺孤止四歲翁姑年皆八旬氏
一身養老撫幼備極艱苦喪葬諸費俱針紉所留

餘乃兩遭隣火家計益困餽粥三餐幾不能繼零紈
斷線十指血痕猶淋漓在目也守節四十餘年七十
八歲卒縣令給霜
月履恒額旌之

沈氏

閩人瑜妻明進士沈捷之女孫年十七歸瑜瑜病連年氏輒謝膏沐治湯藥無少倦漸卒氏年止二

十四視殮哭勵幾絕舅諭之曰死與立孤孰重且吾兩老人在汝死更誰倚遂強起任事時長子五齡幼

子甫三月耳家素貧日用之需悉出針紉值歲凶舅姑不飽不敢食子不飽不敢食舅姑又相繼歿經營

窀穸連舉三喪荼苦備至訓子美方門庭清肅苦貞歷三十年今三子皆孝友季子儒尤著文譽

三節凌王鮑

凌氏江榮舉妻年二十六榮舉卒氏以翁姑春秋高不敢殉子道婦道一身兼之氏

無出立叔之子為嗣從襁褓撫育成成人織紉佐讀後拮据娶婦乃復天亡媳王氏亦矢志栢舟姑婦相依

凌卒年八十有九督學題請旌表奉旨建坊其娣鮑年十九歸江鰲鰲卒一痛幾絕子承甲方

一週三女俱幼氏隻手搯持凡生養死葬女嫁男婚莫不盡禮條理井井守貞二十餘年人稱江氏一門

三節云

錢塘縣誌

卷之二十九

列女節婦

三

尤氏

沈學顏妻臨穎令沈近思之曾祖母十九歸學顏四歲而寡無子立時吉為嗣娶婦俞氏尤性嚴毅

家法肅然課督紡織不夜分不休亡何子婦相繼卒遺孤大震才十三尤內撫孤孫外禦強侮兄某素暴

橫以孱弱可噉利其土田值秋熟將率眾取禾尤知之密以叢針倒插髻內踊而號於田曰欲絕吾母孫

命耶兄怒直前捽其髮針盡刺掌中遂負痛走又欲搆訟尤被衰服挈孤孫將訴於官事得寢於苦節中

兼饒才畧今沈氏之遺孤薄田敝廬不絕如綫皆氏健持門戶之力也孫女二皆篤教愛其次適俞亦早

寡並矢堅貞蓋本之母教也五十五卒曾孫近恩舉庚辰進士授臨穎知縣李中丞基和誅其事曰誰儔

兩浙志又著五杭村五杭村者沈氏所世居也鄭學使開極曾給水節完天四字旌之

高氏

吳果妻明相國文端公元孫女生而靜慧喜讀書年十八歸果為繼室事姑最孝姑寢疾氏衣不解

帶者數月拂拭牀褥澣濯厠諭無倦色姑臨終抱氏泣謝曰願來生為汝媳婦以報汝後果卒氏年二十

六號泣閨戶自經家人驚救得生坐臥一樓烟成軍識其面一婢傳送飲食而已立姪爲嗣苦節一十七年
胡氏 朱琦妻琦亡截髮置棺中曰妾不即死者腹有遺孤也及生子維城訓育成立太史陳邦彥爲立傳
翁氏 潘開陽妻年二十一歸潘二十歲夫喪無嗣遺姑在堂家業凋耗氏曲盡孝養終身茹素苦節
有百計補苴克代子職後守節卅年終身茹素苦節
沈氏 吳維翰妻氏二十六維翰卒事垂暮之翁姑撫穉弱之子女殘機荒杵屢勉持家守志二十六年有司題請旌表詳載省郡兩志

何氏 顧曾儀妻二十一歲歸顧時姑已亡事翁能盡禮曾儀屢試不售輒廢書而嘆氏苦口勸勉曰有志自成君母墮前人業曾儀攻苦益進竟嘔血數斗卒遺孤八歲氏乃躬自操作以濟饑寒事翁益謹克代子職翁歿喪備禮合葬姑慕蘋蘩筐筥必敬必戒苦節五十餘年邑令慕天顏旌其廬曰節孝雙全

錢塘縣誌

卷之二十九

列女節婦

三

吳氏 汪廷樞妻廷樞素患疴怯不勝煩劇氏悉任之外事病舅內事繼姑參苓甘脆不遺餘力廷樞病日劇焚香茹素祈天請代夫亡守志不預宴會不近師巫律身嚴謹夫亡未逾月長子復殤次子啟熹孱弱多病保護訓誨竟得成立洊歷翁姑大故喪葬周詳祭祀豐潔戚里稱仁孝焉

季氏 李毓連妻年二十一夫亡守志奉舅姑撫孤穉終身勞瘁苦節四十三年隣里敬仰合詞呈請題旌

詔建坊

蘇氏 寶尚璉妻年十六歸寶結禱後閨十七月尚璉病卒氏矢志栢舟冰霜自勵幸家計足自給氏奉事

高堂雞鳴盟漱一遵古禮養生送死視子在無異人無間言制臺劉以節孝世儀匾額旌之暮年無倚孤苦尤甚然貧乏自甘不肯以絲粟累及姻戚閩里咸加欽敬年七十四卒

三節朱李林 朱氏武孟蔭妻知書曉大義二十五歲夫亡志堅金石每檢孟蔭遺文輒灑淚以勵

後人臨歿神明清朗守節二十四年李氏武關義
十六歸武明未寇盜充斥關義客死氏挈幼子奔
備歷艱險一廛棲泊十指搢撐絕無怨悔訓誨子孫
皆見成立守節四十六年林氏武光祖妻年二十三
夫亡貞心苦志事孀姑以孝謹稱守節三十六年一
門三孀交勵名義靡池之節臧僕俱為感化督學靳
題請
旌表

俞氏

沈起龍妻起龍儒而貧賈志早歿俞年二十八戚
族將奪其志俞誓死不從歷盡艱苦嘗割股愈母
危疾事姑嚴以孝聞姑壽九十衰疾劇甚俞復割股
姑終不起然俞竟以血枯成疾迄十年而歿稱未亡
者三十五載遺孤亦夭
歿苦節異孝尤足憫云

三節章陳張

章氏吳農復妻宮詹太冲子婦都諫正宸
女也十五歸郡庠生農復三十稱未亡人
訓子義方一燈課讀守節四十五年七十五歲卒陳
氏庠生吳容妻容為徵士農祥冢子善屬文早卒氏

錢塘縣誌

卷之二十九

列女節婦

三

年二十九遺孤八歲最之成立後孤又卒復遺兩孤
孫氏撫摩鞠育守節三十三年張氏國子生吳爽繼
室未踰年而爽歿氏年止十八貞操自矢撫前孤若
已出機寒燈燼形影相依者歷今已三十年女貞婦
德出於一門
應俟旌表

高氏

儒生章一桂繼室明相國高儀曾孫女章先娶羅
氏生一子士斐甫八歲一女四歲高事姑至孝撫
子女如所生初歸時年二十有一纔十閱月而夫亡
遺命撫育子女不敢以身殉每哭哀幾絕者數家故
貧饘粥不給則勤十指為女紅雖祁寒酷暑裂膚揮
汗未嘗少息日夕課子以承夫志姑病亟高左右湯
藥晝夜撫摩姑且瞑泣下曰婦惇獨艱辛而孝事我
如此願來生為而婦以報而德高亦泣數行下獨備
喪具嘗短衣出汲甚則三旬九食或餉以餅餌高以
三與女而以七與子士斐闕母未嘗食遠不能下咽
欲往投河死高急馳救之母相持而泣士斐九歲
善屬文博通經史二十三食餼饗序然家益貧高

自歎慰食貧作苦如故也士斐三子戡功懋功徽功
出就傅矣高朝夕誦曰爾父孤苦若此尚志志
克自樹立今而兄弟無苦衣食乃勿自棄
淚俱下士斐屢躡名場僅以明經老先高受高時年
七十四尚呼兒不已又二年卒明未邑令魏士
章題青年苦節督學許懈題淑善孤貞頌贈焉
汪氏 贈中憲大夫汪汝謙女太學生吳望中妻也生而
貞靜動嫻內則歸吳事舅姑以孝聞望中游學四
方竟以客死氏聞計慟絕久乃甦撫呱呱幼子璆行
以侍兼怙俾其成立茹荼飲藥備極人所不堪已而
璆行又死復撫兩孫長大授之室喟然曰而今而後
未亡人畢乃事矣享壽八十計守節者五十有三年
氏少承父訓能詩文自望中死悉焚毀筆硯
及所為著作不留隻字故世罕有知之者

章氏 俞德輿妻明經章士斐女年二十五而寡生一子
大年纔三歲德輿兄弟五人先後俱歿翁老且病
盡鬻其產以殯五子大年單衣復襦皆從章十指間
出翁病且亟命其孤孫曰而母苦節近三十年矣異

錢塘縣誌

卷之二十九

二

列女節婦

時汝舅氏有顯名當世者乞為爾母題請旌表以報
母德餘屋數椽又燬於火寄居舅氏者數年章日提
攜大年訓之勤學大年亦克自勵
章年至七十尚朝夕勤織作云

馬氏 諸生馬遠平女儒士汪岳蘊妻也年二十一歸汪
甫兩載岳蘊病且劇氏和糜煮藥經月不怠及其
死也絕粒旬日慟哭不肯生匕而轉念曰有身五月
敢以鴻毛一死以絕夫嗣弟慮男女未卜乃繼適子
紹武為之子後生紹良氏撫育兩子如同胞者然晝
荻丸熊得古賢母遺意教諸孫皆成名士年六十壽
終康熙三十五年巡撫線督學顏彙題請旌奉

旨建坊

程氏 劉廷獻繼室廷獻順治壬辰進士官戶部郎中年
五十未有子程為置副室惠氏舉一子曾獲已而
程亦生子繹甫三歲廷獻歿程年纔二十七內有強
宗外戚多覬覦而繹方患痘危甚其惠所生子又病
索程懼不能保因盡出簪珥衣飾於庭人人分給之
外所經營悉置勿問孤燈帷雪提二子於

知之中與惠相共守未幾惠亦亡程哭之慟慟一不能兼撫二子乃更以曾獲屬鄭氏子之而惠所遺悉以付鄰曰俟兒長與之可也及繹兄弟既長教之讀書以承先緒持身正家四十餘年無異卒年六十七

施陳氏

施王緯妻青年守節刻苦一生八十卒

閔氏

吳欽相妻年二十二歸吳克嫻婦職菽水承歡未

米薪費酒漿踞鱸曲求所以順舅姑意又念繼嗣當立擇長擇賢為繩武計於是先立鵬後復立鴻咸承母教勿替家聲苦節三十年各憲題旌奉

詔給建坊銀三十兩

鍾氏

拔貢生姚廷益妻廷益力學能文與脩浙江通志喜交遊詩文讌會率無虛日氏內治井井稱賢佐

未幾廷益卒鍾年甫二十六健持家政庭戶肅然與臺臧獲非奉呼不敢履中門奉其舅甚謹凡箴紉脩灑佩悅蒞蘭之屬無不曲順其心舅嘆曰吾子在事我不過如此撫遺孤宗樞養與教兼延師及友必盡

錢塘縣誌

卷之二十九

列女節婦

三五

誠敬日以讀書砥行相勗終身不事膏沐不妄言笑四十年中賢婦慈母兩無憾矣子宗樞亦有文名諸孫皆遵教成立

余氏

會稽人年十五適錢唐民陳大經甫一載大經估於粵患病氏聞信即齋沐禱天願以身代經卒客

死氏號呼絕粒曰吾且無子何以生為舅姑聞之曰汝無子汝不有舅姑耶百方慰諭遂厲志守節立經弟之子為嗣家又貧無所得奉養資乃鬻箴紉給甘脆訓子學良舉戊子鄉試官松江同知反輿迎氏不往老不廢織維健持門戶喪葬祭祀莫不中禮稱未亡人者四十餘年各憲表其事上聞奉

旨建坊

金氏

江西廬陵縣丞張裕善妻年十八歸張生二女裕善留金氏奉其翁姑而之任得察疾金聞急買舟

往視疾裕善竟不起金扶棺歸里時年二十有四已而翁姑皆歿金持喪如禮營葬翁姑將以其夫附焉

而裕善之庶母弟不欲葬其兄遷延至今與其翁姑
尙在淺土金哭泣哀號於心終不忘應繼者亦爲其
所阻金不得已依其婿以終老苦節近四十年鄉黨
鄰里請於有司奉

旨旌表

趙氏

朱穎蕃妻年十九來歸生二子穎蕃以篤學成疾
卒趙年二十有七夫亡家貧親老子幼隱忍哀泣
曰死不難處死爲難今夫事皆妾事吾何敢死霜燈
雪帷晝夜勤操作雖身受饑寒而堂上之養無少缺
舅姑卽世殯殮窀穸之事竭蹶以圖益刻勵以訓其
子每夜分不寐目腫手裂猶勤女紅以佐讀者垂三
十年後二子亦能自立以養母趙始慰意曰吾
今日可以報而父於地下矣卒年六十有一

何氏

翁遵厚妻年十九歸翁家貧甚旨蓄之備惟藉女
紅二十七遵厚卒一慟暈絕不欲生防護多時得
免先是遵厚自知不起執氏手曰余累汝可早別圖
氏卽以死誓冰霜之節歷數十年戚黨欲請題旌氏

錢塘縣誌

卷之二十九

列女節婦

三

堅却之今
年已八十

二節宋梁沈

宋氏金城妻于歸未幾城卽病瘵歿時觸
棺誓死父婉諭方止持家勤儉瘠瘁終身
娣梁氏金培妻城從弟也梁與宋妯娌最相善培亦
歿冰霜節操彼此交勵有成宋撫姪錦爲子梁亦以
姪祖望嗣俱以母教成立苦節三十餘年後姪金璐
亦早卒沈氏亦以苦節稱方伯徐公旌其廬曰三貞

汪氏

生員許鼎文妻夫歿絕粒三日父論以遺腹耳保
夫嗣乃強食育子成人離院顯表其閭曰守義垂慈

潘氏

文學戴原育繼室生二子年三十原育病劇氏剖
兩臂肉投藥鑄終不效念諸子未成立不敢以死
殉撫前子如已出教育二子慈母而兼嚴師健持家
政苦節歷五十餘年長孫一鴻登辛卯北闈賢書諸
孫暨曾孫俱能文力學今八十

汪氏

張宗儒妻年十九適宗儒于歸三日卽荆布周旋
洋日勉夫子以力學謂宗儒曰脫堂上甘旨缺幸

我箴紉可辨無分汝心也漏三下刀尺與書聲相和宗儒以嗜學成疾參苓莫效呼捨動天欲取乃自驚舅姑力為勸慰姑唐復激氏曰汝子甫五月設汝死吾兩人將誰依不如先死汝前奪刀亦欲盡氏方驚起以事親撫姑為已任姑常寢疾善怒惟氏在側卽歡顏持翁就髦尤曲盡孝養異榻宿肉勿貽遲暮憂撫一子成立時泣誠曰汝身孤危讀書砥行功宜百倍延師結友皆淋漓血指所辨子芬入泮蜚聲藝苑

李氏

章麟士妻年十二母病割股和羹以療十七適麟士事舅姑以孝相夫子以禮麟士績學成疾卒氏

年二十五哀毀不欲生無子嗣伯之子開緒愛如已出鍼鏤佐讀與其成立乃開緒又木婚而卒聘媳吳氏徵士農祥女孫也聞訃卽悲痛辭父曰章氏旣得請於父矣姑年老誰任其職兒往矣願大人勿為意過門謁姑抱持慟哭撫棺盡哀姑媳依依有同志焉李今年逾六十守節垂四十年

李氏

馬必科繼室幼嫻禮訓必科素敦宗族樂善好施李實贊成之適馬五年夫歿益凜冰操屢遭回祿

錢塘縣誌

卷之二十九

列女節婦

三

四壁蕭然甘貧守節歷七十餘載壽至九十五歲而終康熙十七年藩司李士楨給額曰清節可風長子之驍先卒次道周暨長孫履端履泰履晉輩克盡孝養迄今俱馳名譽序人咸以為李之德報云

嚴氏

李茂芳妻結褵未久茂芳歿矢志守貞止生一女氏念宗祀將絕驚叙鏹勸翁納妾生子廷相氏事翁姑曲盡孝謹為廷相延師擇配悉出奩資罔分彼此後被回祿歸棲母家一生克持大體言動不苟年六十五無疾而終

余氏

蔡岑妻歸岑生子鑑早亡又生子銓而岑病將亟指銓謂余曰蔡氏兩世單傳唯此子在爾善撫之言訖遂瞑余慟絕更甦者再已而悔曰蔡氏不可絕也乃飲泣自守銓甫三歲余年二十有九內無強宗

外無幹僕霜燈雪帷有今無備氏以禮自防拒族人之寄宿擇嚴師以教子馬公達者岑友也銓將就外傳余屬諸馬而誨之曰兒早孤不識父今服馬先生教如聞爾父訓矣言畢泣下歲天祿斗米數百錢母

子無所得食日進勺水以待死公達知之喟然曰賢哉母也分米餉之爲糜飲得不死於是銓長跪母前痛自刻責啜菽飲水曲意以博母歡蓋苦節四十四年而卒卒之日鄰人皆曰非獨余氏賢蔡銓亦孝子也孫媳吳氏昏九月而夫宗偉病亡亦克守義云

吳氏 劉兆選妻年二十六夫亡遺孤錫方歲週老姑已七旬家業蕭然惟賴女工粗給衣食貞操苦節垂

二十七載
例合旌獎

吳氏 王國楨妻年十八適國楨機杼佐讀有梁孟家風二十五歲國楨卒氏絕粒投緘願從良人於地下

翁姑苦勸得不死戡影深閨早夜操作雖至戚罕聞聲觀面者以婆婦而代子職歲時饌羞維謹備翁姑謝世遇春秋祭祀必哀號隕涕至四十二歲應繼子蔭華始生氏卽敬告宗黨立嗣承祧織履縫裳給其膏火勉之讀書卒使蔭華有聲黌序皆慈訓所致也苦節計四十七年零統斷縷中淚點血痕猶浪浪

錢塘縣誌

卷之二十九

列女節婦

三

未泯里黨請題旌氏力却之年七十一無疾而終

許氏 于濟淳妻年二十歸淳淳家貧欲廢舉子業氏敦勸讀書不恡變奩飾以佐薪水二十五歲淳卒上

有垂白之翁姑下有襁褓之二子伶仃孤苦全賴氏紡績以安全老幼冰操益勵茶苦終身年八十三歲卒糧道劉旌其門曰節茂松筠

吳氏 朱南絃妻年十五于歸唱隨甫五載卽稱未亡人則甘脆無缺立姪爲嗣教育一如已出孀姑年髦失

明朝夕起居尤能曲體其意年五十而歿歿時猶以不獲終事孀姑爲不瞑目族黨稱節孝焉

吳氏 戴永宣妻永崑以力學遭疾卒氏觸棺流血不

獨生翁姑諭止之苦節三十五年不輕出戶庭不延見姻戚姑張患風症氏謹治湯藥晨夕不離三年如一日喪葬備禮人無間言撫子女皆成立中丞王

督學吳 汪
皆旌其閭

姚氏 又度女吳霄妻七齡母病侍奉湯藥親黨俱以孝稱年十七歸霄篝燈佐讀克稱婦順二十六歲夫死慟欲殉身父母勉以大義曰上則三喪未舉下則藐孤在抱忍委而去之耶氏飲泣舍悲經庀殯葬周詳誠敬遺孤又痘殤繼姪為嗣恩勤無異視有司題請旌表奉

旨依議年七十
三歲卒

吳氏 嚴曾采妻年十八歸曾采曾采幼善讀書隨父任入太學選授新昌縣學教諭未任而卒吳年二十八而寡茹水劬瘁至六十而歿吳父鑛以進士仕廣西平樂府推官而曾采父沆仕至戶部侍郎兩家皆世宦吳為新婦時粧送貲財甚盛而處家以儉約聞堂上無姑奉叔母陸為姑事祖姑江太夫人唯謹曾采先其父歿遺孤子煌炆焯焯皆幼及司農卿歿家無餘財至伯叔析產時吳獨取所藏書一檢五經二十

錢塘縣誌

卷之二十九

列女節婦

三

一史手授諸子曰而祖為廉吏無長物吾所以取此者欲汝等盡讀是書知立身大義不媿清白吏子孫也已而家燬於火益貧甚何有何亡皆出吳繩勉而炆與焯得專意讀書成名士其長子煌即世吳又育其孤孫望甫入學復不幸無祿於是吳慟不欲生顧已不能生因病卒卒之頃遺命炆等必告而父友章撫功為誌吾墓毋忘吾艱苦目遂瞑康熙四十九年炆與焯同學生以狀申有司表其節行奉

旨旌獎云

趙氏 計功妻歸計止三載夫亡氏年方二十一堅貞自矢之死靡他事兩代翁姑咸得歡心曰幸哉得此孝婦遺孤在抱教育維艱雪皎霜清歷三十餘年行如一日督撫題旌奉

旨給銀三十兩自行建坊
附祀女貞祠見郡志

方氏 諸生嚴啟燾妻廟見後悉歸孝廉服御親操井臼燾不幸賫志早卒時氏年止二十有一茹荼飲蘖

誓賦栢舟事翁姑以孝稱先後喪塋盡敬盡哀撫遺孤堂飲食教誨脫簪珥以佐讀俾得貢入成均一生惟安儉約不貪富厚今氏古稀而外稱未亡人者五十餘年猶康莊健飯紡績不怠謂之貞壽不亦宜乎

沈氏 周與妻與係前通政司周詩曾孫也氏年二十歸周未一載夫卒門戶蕭然蕭箴屢紉為饗餐計奉侍

督學斯以矢志靡他四字表其門閭

吳氏 金之翰妻之翰早歿不克終母養氏年二十八家極貧無後矢志守節奉姑繼甥吳兆宗為後教成

令名兆宗復天歿有詩古文各一集傳世氏又撫孤孫十年卒壽七十有一苦節四十四載鄉黨戚族稱其孝慈太常孫勤著金節婦傳云

余氏 楊德宏妻年十六適德宏結褵方一載母喪未畢繼以姑喪哀痛倍至幾不欲生綜理家務一切能持大體內外稱善德宏偶患時疾即不起氏眩仆復甦因泣語姻戚曰夫死余豈忍獨生况無子可撫自

列女節婦

錢塘縣誌

卷之三十九

三

應相從地下遂勺飲不入四日家人終不能強七日聞舉夫喪日願與同穴晝夜哀號不已距德宏之歿十二日而卒歛時顏色如生司道題請旌表巡撫張贈節烈維風匾額

沈氏 胡宗稠妻年十七歸胡九載而宗稠客死氏號痛奔喪擬蹈水以殉繼念姑年髦勉事食息勤蠶桑自給朝夕夫乏嗣撫繼子如子姑亡

哭奠盡禮宗黨賢之苦節垂五十年

陳氏 夏時升妻贈雲南開化府知府陳聖書女年二十歸時升相其夫以勤學時升竟以苦志卒氏年二十有七生子綸及女皆幼霜燈雪帷晝夜織作待孤

長成訓誡嚴切有敬姜風事舅姑以孝處娣姒以和家政獨持中外雍肅子綸有文名善承母志譽重士林學使顏彙題奉

旨旌獎後學使宋表其門曰霜閣懿範云

吳氏 胡爾橙妻年二十九夫亡子二次生未滿月氏食貧紡績以課子門祚益衰以父僑居寧海氏往依

為年六十八卒先是次子以應死明年

印氏

解崇早夜歌禱願以身代父并歸陸克盡婦道

二十天卒誓不欲生復念父母在堂婦職日兼子

職亦素貧翁姑相繼歿嘗嘗以以供喪墓有十二俱

今箕裘勿替年五十七卒

楊氏

王元佐妻孝事舅姑律身

趙氏

張昌裔妻年十七歸張甫二載夫病氏割股為糜

以進及歿百計以身殉姑哭慟曰汝方有娠獨不

思繼夫嗣耶後遺腹一女慟哭幾絕瀕於死者數左

右力勸撫姪履中為子鞠育教誨逾於所生甘淡泊

吳氏

趙琦妻仁邑諸生吳國梓女也幼嫻內則習女紅

錢塘縣誌

卷之二十九

列女節婦

二十七夫卒無子欲以身殉已而慨然曰吾敢以夫

為若敖鬼乎立姪為後以教以育俾於成人姑疾急

吳到股額天血淚沾浹床褥間姑疾以

俞氏

錢塘諸生陸鴻妻年十六歸鴻前釵裙布有孟德

三年太守顧公旌其門曰操藥冰霜苦節完貞六

陳氏

徐實妻年十八歸徐二十九而寡夫亡後家計日

供朝夕苦節三十餘年事舅姑以孝待戚獲以仁內

外肅然事皆井井訓諸孫亦如教子之法鄉里稱賢

陳氏

盧程京妻年十七歸程京京於順治二年授新會

血幾不欲生顧二子尚在孩提宗祀所屬勉進食

教育二子慈嚴並至盧氏咸稱有後茹茶飲藥辛若

備嘗養生送死條理井井
苦節三十年五十四卒

黃氏

鮑望錫妻十六歸鮑五載而寡遺孤光朗尚幼氏
哭之慟既絕復蘇慨然曰死節易立孤難乃強自
解免家徒四壁其祖姑汪姑許亦俱寡氏惟針紉紡
織易米薪以奉三世一堂相依冰蘖交勵時有三世
孤芳一門篤孝之譽苦節
四十餘年有司題請旌表

勞氏秦氏

勞為明廣德州守趙景和妻秦則其妾也景
和治廣德有政聲值馬士英亂兵沿途殺掠
過州景和不納士英怒縱火攻城遂遇害勞欲舉刃
自到度姑朱以藐孤當撫止之崎嶇戎馬間扶櫬歸
杭荼苦備至教子蒼壁有成官御史秦聞景和被殺
密縫衣紉慨然曰臣死國妾死王分也升樓躍入簪
井死州民起殮之顏色如生君子謂
勞也趙氏嬰秦也趙氏曰非虛語云

劉氏

姚廷誥妻孝廉劉和女年二十歸姚事孀姑陳極
孝謹姑病氏將產猶日夕進湯藥不稍倦姑卒佐

錢塘縣誌

卷之二十九

列女節婦

三

夫喪葬盡禮家漸貧廷誥垂歿深為身後慮悲咽不
語氏欲剖腹明誠葬夫畢自縊者再後撫兒泣曰我
之苟延旦夕者徒以有汝耳隣婦有勸其易志者即
謝絕終身不見教孤成立門庭肅然遇匱乏之時非門
內周恤不受守節三十
三載鄉黨稱節孝焉

程氏

吳德同妻年二十而寡
節孝兼著七十五歲卒

沈氏

余德厚妻年二十歸余二十九歲夫亡孝事孀
姑教二子成立年七十餘卒毛檢討奇齡有傳

錢氏

李庭妻家甚貧女紅為活事
毫舅極孝庭卒苦節三十年

沈氏

王懋名妻苦節貞操食貧課
子年六十餘卒王益朋有傳

周氏

張正壽妻割股療夫堅貞自
盡藏教子有成學使彭壽其傳

黃氏

周華柱妻年二十九孀極
貧勇她在堂恐重傷其心於是

素以潔其操氏因無子嘗禱於家廟曰幸而宗有子
吾叔多子即吾子矣吾不忍吾夫之竟無後也後十
年叔舉子德煥即立以為嗣提攜襁抱逾於已生長
復九熊畫荻俾之成立康熙四十二年邑令王毓美

給額曰勤節凌霜云

戴氏 王起泮妻夫亡誓志守節歷三十年

陳氏 吳弘謨繼室年十六歸吳十九歲夫亡屏絕芬華茹齋縞素遺孤四紮復患痘傷氏請於翁立叔子之駒為嗣恩勤顧復甚於已出并撫元配錢所生女俛皆成立夫亡日躬已垂暮曲意孝養歿後置翁姑生像并夫像於一室焚香設供追遠盡誠凡弘謨遺稿片紙隻字不忍廢棄守貞四十餘載奉

日建坊旌表

王氏 陳文奎妻奎卒矢志栢舟孝事孀姑歷三十餘年

錢塘縣誌

卷之二十九

三

列女節婦

沈氏 孔聞韶妻二十九歲夫亡生子甫八月紡績撫孤課讀有成六十歲卒

龔氏 孫士遲妻遲早歿事髦舅以孝聞竭蹶葬事不遺餘力撫庶子愛護逾於已出苦節數十年學憲旌表

聖氏 顧濤妻年二十九夫亡守節孝事舅姑葬祭盡禮持家勤儉教子成立苦節三十年願請旌獎准建坊

張氏 汪乘御妾夫亡年二十七茶蘖自甘織維佐家食畜二子不使隕越宗黨皆賢之年五十二候題旌

屠氏 章茂叔妻二十四歲夫死守貞孝養舅姑代供子職次則奉侍湯藥歿則經理喪葬茹荼飲蘖婦道

五歲卒

李氏 自洪雲漢妻孝廉士杰女也知書識字教子克均夫亡以孝事翁洪是誓死殉節以

子幼慰正洪實廉吏裔不食甚以持節

劉氏 姓氏失傳夫亡守節早逝

往代戚搬救罹難死四娘年二十二二子僅數歲衣食一無倚藉四娘矢志存孤十指艱辛歷寒暑晝夜無輟時以糠粃自飽遣二子拾墜葉以代薪十三年間貞操苦節里隣共仰二子雖長成亦貧甚

沈氏 范允欽妻年十九適范未三載夫疾刲股以療卒稱未亡人孝事舅姑慈育繼子慶治及長娶婦卽氏姪女賦性靜淑年二十九亦喪所天一門雙節三黨難之

范氏 胡雲上妻年十八于歸胡素有疾氏竭力供藥餌終不起年二十一歲撫孤孀居薪水皆辦十指爲子婚娶子復死茹荼飲藥凡六十載竟以憂痛歿待旌表

張氏 鄭淵繼室氏年二十八淵歿守貞矢志歷五十餘年子春薦杭州府學歲貢生善承慈訓博學能文戶屢嘗滿氏徃持家政門庭清肅八十歲卒督學顏潘憲呂俱賜匾額旌獎

諸氏 儒生姜與濂妻也其先餘姚人入世祖縉妻胡氏生二子立達而縉卒胡年二十有四其伯氏以胡

錢塘縣誌

卷之二十九

列女節婦

三

年少子幼欲奪其志而佔其產胡陰知而不言其伯因訟於令令以言館之胡遂取頭上首簪刺雙目血流被面令大驚慰之胡慮伯氏利其產必害其二子遂攜其子來家於杭後孫羔成進士表其事於朝

建坊旌表胡壽至九十九與濂其裔孫也諸始結縉翌日母汪氏卒父遠出不歸而兩弟皆幼諸撫弟如子其後皆讀書成立諸年二十七而寡子大璋甫四歲內無娣奴外無強宗零丁孤苦十指餬口以至於

今與濂亡日其母李尙在諸哭泣悲哀不敢出聲懼傷其姑之心又六年李病痢篤諸左右湯藥疾痛親爲撫摩取中是廁踰乎自浣濯凡兩閱月李自度不起謂諸曰汝夫八歲父亡吾守至二十九歲又棄我

去矣爾爾孝養吾無子而若有子然爾亦單弱吾重望爾爾願爾媳若吾媳曾元繁衍以報爾德是吾心也李歿諸盡哀備禮

金氏 陸禹府事祖姑舅姑至孝禹年九十氏親奉湯藥春秋享祀猶陳淳

痛慰之乃稍稍全數三年不絕聲後遭回故家
乃力自操作夜勤紡績暑不避蚊蚋寒至發以
節三十年訓子成名子士仁
婿王潮同登丁酉科武榜

朱氏

諸生金日燦繼配也夫早死氏僅生一女前妻生
一子氏撫之如已出其叔氏不才人也負營債甚

急乃竊賣其女於旗丁日燦之友某等共贖還叔又
潛賣之金華女思其母爰泣悲哀遂瞽其目而亡燦

子亦不肖不從母訓亦至流落而死初燦之友每月
共周給之其後諸人各散去氏乃歸依其兄朱某老

費氏

陳映垣妻年念三夫歿孝事舅姑撫過歲孤兒衍
伯成立今四十載要奉憲旌查少詹聲山有傳

汪氏

戴鉞妻年十七于歸鉞為諸生以勤學死遺孤才
六月氏初欲以身殉翁諭之曰死節易撫孤難願

婦為其難者氏唯唯課子以嚴不以慈事事勤苦操
作竟以暴疾卒彌留之際合掌誦佛號端坐而逝家

人檢其遺篋得手書千言皆教約孤子立身行
已持家處世之道真近世巾幗中所僅見者

錢塘縣誌

卷之二十九

列女節婦

三五

孫氏

岸生柴棟妻年十五歸柴二十八夫亡事姑孝敬
克盡婦職撫幼子成立養與教兼冰雪堅貞歷二

十有七載孝節並著里黨共稱督學吳 宋題請旌
表奉

旨建坊

汪氏

潘士第妻年十八歸潘纔七載士第遽以疾殞汪
以頭觸棺流血被面誓以同歸家人百計勸止乃

偷息人世苦守遺孤
茹荼三十餘年而卒

劉氏

為沈士昭繼室歸沈四載而士昭歿生一子前室
子亦尚幼氏撫之不異已出事舅姑以孝聞養生

送死以婦道兼子職三十年來艱苦
備嘗其子亦能遵氏教克自成立

王氏

岸生蘇瓚繼妻瓚死氏年三十自誓以殉遺孤方
九齡家人勉以大義乃強食飲居危樓蚤夜組繡

佐孤誦讀日惟給一溢米蔬菽不得御年四十二偶
嬰微疾家人求醫氏堅拒曰自今乃可成余志矣作

絕命辭有立孤非難死亦易嬰
白遜讓徒須糜之句竟不食死

朱氏

范武音妻年十八歸范不數月而武音瘵疾長逝
卽矢志殉夫以老姑在堂乏嗣侍奉遂以婦道而

兼子職辛勤女工甘旨不缺姑歿盡力營葬繼于承
祧訓誨成立苦節四十二載年已六十例合旌表

范氏

太學生潘元英繼室性至孝年十三月黃病瘵范
顛天自代割股和羹以進得稍瘥裹創強起不令

父母知歸潘後撫前子女如已出元英病劇卽以死
自誓沒時勺漿不進者六日子女環跪泣請始啜粥

糜自此足不踰閩而課督之勤有古賢母風子兆新
領甲午第二名鄉薦諸孫皆有名庠序紳士請於有

司待旌
其門

孫氏

庠生施元龍妻年十六歸施舅年已髦氏侍奉甘
旨曲盡孝敬夫病篤刺血爲疏焚香籲天願以身

代二十八歲夫亡遺孤貞珉方五齡氏丸熊課讀勉
以立身揚名卒至蜚聲庠序皆母訓也餐茶衣縞稱

錢塘縣誌

卷之二十九

列女節婦

三

未亡人三十五載屢經學院題旌奉

旨建坊八十歲卒

裘氏

孫淵之妻年十九歸淵結褵未及一載夫抱疾不
起死之日以頭觸地曰君往矣妾何生爲旣而曉

以舅姑之義事垂白撫遺孤
苦節三十餘年里黨稱之

韓氏

儒士沈嗣英妻年十九于歸二十二歲而寡生子
兆發纔五月孩耳氏慟哭不欲生已而嘆曰我死

如此呱呱者何茹茶飲藥撫育藐諸補博士弟子員
有聲庠序壽至八十有五康熙二十五年巡撫金督

學王題請旌表奉

旨建坊

沈氏

名雪字懷冰宋緒山妻幼喜吟咏有女博士之稱
緒山讀書攻苦病不起婚未數月而雪冰絕

粒不欲生日無嗣可撫曷若從夫地下身
立次伯子爲嗣愛地親生恒抱病無子

死有數參苓可得壽乎奄奄十年病遂
大人幸瘳我夫婦以遂同穴之願浮屠
姑曰

者幸勿修言訖而逝
著有松軒集一卷

鍾氏 生員錢崇順之妻三十二歲夫歿遭喪亂倍嘗艱
苦子二長彪方六齡次軾四齡撫畜教誨得其成

立彪中癸卯科舉人軾以子貴
勅贈文林郎翰林院庶吉士加一級氏長齋二十餘年年

六十七
歲卒

俞氏 錢崇順側室軾之生母也二十八歲崇順死焚柴
嫡庶小葉相依長齋二十餘年年六十二歲卒

湯氏 生員錢允昌之妻二十三歲夫亡子幼
撫以成立才德兼備年六十七歲卒

鍾氏 錢崇順所生幼繼生員鍾端為女長適文學沈煜
煜死子世基方三歲篝燈紡績提孤子於秋霜夜

月中世基中丁酉科舉
人氏今壽七十七歲

俞氏 錢軾之妻二十三歲軾亡氏欲以身殉已而念遺
孤廷獻才二歲忍死以守茹荼集蓼侍而兼怙訓

錢塘縣誌

卷之二十九

列女節婦

三

之義方廷獻立氣節能文章皆稟母教也中壬辰科
進士翰林院檢討氏以子貴

勅封太孺人而布素自如長齋
五十五年壽今七十九歲

錢氏 文學金穎實之妻二十三歲于歸才兩月
而夫亡共姜自誓無子苦守者二十年卒

錢氏 生員鍾卞之妻二十三歲夫死無
子苦節五十二年七十五歲卒

沈氏 生員吳兆隆之妻夫亡無子叠遭家
難苦節二十餘年今壽六十二歲

丁氏 國學汪士周妻性貞靜秉禮教歸汪克盡婦道夫
病刲股以救歿則艱貞自矢子方孩提拮据卒瘠

教育成立冰霜之操四十年如一日也蓋不獨其志
堅其才亦有足多者學使彭聞而重之為旌其閭

程氏 貢生葉世寵妻少嫻內則工女紅長尤通經史歸
葉未二載遽失所天茹荼飲藥苦節待旌事舅姑

色養備至撫前妻子女如已出教以義方有
尤熊畫荻之遺鄉里咸稱其節孝無間詞云

胡氏

明經汪躍之妻系州別駕胡濤函女也幼淑慧

經對策都人士爭結納之發憤下帷捐館京邸胡年

二十九聞計昏迷者數四而上念尊嫜俯憐稚子偷

活人世子以婦代父以母兼撫孤成立舉丈夫子

三繼而孤復不祿胡以桑榆暮景哭大者哭子燕翼

詒謀教子者教孫三十年來刻刻在冰霜茶藥中至

於持家有法御下有恩周施樂善成黨莫不交頌焉

羅氏

文學章戡功妻年二十子歸事太姑高姑沈委婉

承順各得其歡心頗成婚久而未有所生叔生子

繼泳羅喜甚抱而言曰兒無常母何必已出也後戡

功死卒無子以繼泳嗣焉母子依依晨昏靡間繼泳

偶外出門閭倚望不頃刻去諸懷也年七十六兩目

眩昏猶勤女紅不輟每言及高太姑苦節事輒泫泫

淚下語繼泳曰吾聞節婦後子孫必昌汝其善

承之生而貞靜寡言笑淑慎之稱無間中外云

吳氏

國學汪棠之妻性生孝友適汪琴瑟靜好有伯鸞

德耀之風後汪以攻苦染疾彌留之際執吳手言

錢塘縣誌

卷之二十九

三

列女節婦

曰吾素稔汝志我死汝必從然應念堂上老姑及藐

孤三子俯仰間吾目不瞑也氏飲泣曰謹受命菽水

盡歡晨夕罔缺而斷機盡荻不少假借焉

數十年來冰霜松柏之操可以風世矣

徐氏

處士陳祚明側室也自幼來陳正室儲夫人性嚴

不假詞色徐事之惟謹年二十祚明納焉甫入閨

月而祚明遠出徐方姪生男曾慈後十二年祚明客

死京邸徐纔三十餘左右將遣之徐慟哭曰妾侍箕

帚久無大過且幸已生男願為夫人掃室布席以終

餘年奈何我逐也遂脫去簪笄提甕甓如初來時

狀後嫡子曾毅喪偶遠遊遺兩諸孤方在孩提襁褓

中時儲已物故而徐保抱撫育俾兩孤各有成就四

十年來不知綺羅膏粱為何物今

吳氏

文學汪跣妻及笄來歸敬事姑嫜頗請大體跣喪

父哀毀骨立竟以孝死吳年甫二十四計以身從

已而念夫死無子且老姑在堂誰為奉養者偷息以

供甘旨立嗣以承宗祧三十餘年冰操如一日也

陳氏

鳴鶴場大使胡宗模妻年十七夫死守節四十二載營葬舅姑叔婚克盡禮法守令威旌節孝焉

于氏

廢生王邦鐸之妻武三元王玉鑿之媳也于生而端莊不苟言笑歸王未久邦鐸病且亟于呼號悲

泣計無所之遂到股以進及邦鐸死于絕食數日已而念夫無嗣又老姑在堂脫以身填溝壑吾夫目且不瞑因偷息人世繼姪溥為子朝夕訓誨過於已出事姑柔聲怡色紡績以供菽水歡生養死葬皆出淋漓血指間也于為忠肅公後裔人咸稱其無忝爾祖云

方氏

金建烈妻幼嗜書史曉大義父病到股和藥病得瘳年十九歸金家素豐而好施予遂申落氏日夜紡績以佐薪水二十九歲夫亡毀容斷食宗黨勸慰撫孤成立治家整肅多義方課讀則勤可師服賈則儉足法閭里皆佩母教長子季子皆先歿娶婦幼孫撫恤備至今年逾八十神明不衰守節五十六載待旌表

錢塘縣誌

卷之二十九

列女節婦

三十九

陸氏

洪雲漢妻忠毅大行鯤庭公孫女也適洪纔四閨月洪發狂疾人不可近醫治罔所效遂拘繫一室中氏手足無措遙望悲號者十年洪以是疾死氏誓以身殉左右防護惟謹乃撫姪為子提攜顧復教之成立苦節三十餘載今老矣篝燈紡績夜分不少休嗚呼始則有夫而無夫繼則無子而有子如陸氏者可不為難焉

程氏

孫允昆妻夫病割左股以療姑病

肯建坊旌表

汪氏

張文治妻文治病篤第二得病即絕粒不食翁以已立強慰之乃絕逾旬亦卒氏代夫營飯含畢單遂完

程氏

年十七歸吳賈病七載賈嘗亡年僅二十三年且乏嗣遺一女在穉孫亦堅奪氏志民誓死不

從攜女續麻為活女長贅婿依以終身七十
三而終苦節四十餘年葬在法華山麓居焉

吳氏

程祚璣妻璣沒時氏年三十四惟一子孝全七齡
撫之成立茹荼飲葷垂老不衰離使顯公旌其節

潘氏

詞林潘沐孫女州丞淮女年十八歸郡庠生孫之
駿遵祖父訓克嫺婦道之駿痛父早歿勵志棘闈

卒以攻苦隕軀氏哀號觸柩誓欲身殉姑劉氏以義
止之孝姑訓子飲蕪茹荼者三十年如一日紳士請

於有司以
俟 題旌

查氏

貢生孫之騮妻榜眼查嗣韓女也幼承詩禮德性
過人年十八歸孫舅早逝姑劉持家一循禮法氏

祇事惟謹姑絕愛憐之佐夫讀書躬蠶紡寒暑不輟
未幾之騮以勤學過瘁與叔兄之駿相繼天氏號慟

不欲生既復絕粒姑誠之曰吾不幸連喪兩兒三媳
潘願以身殉吾以義止之吾尤愛汝汝獨不吾念耶

氏勉從姑訓含哀事姑終其身勿敢怠撫子基督課
書史不假辭色賴以成立氏堅貞苦節與其姒潘稱

錢塘縣誌

卷之二十九

列女節婦

單

同德焉督學汪
並給額旌其門

孫氏

州丞孫做女做篤好學問以詩書課子兼及女氏
故通文義識大體歸貢生任葵甫期月葵死氏年

纔十八有娠含哀俟舉子及期乃女號哭不食曰吾
所以隱忍偷生者為遺腹延續夫嗣耳不幸生女吾

誓從夫死舅姑聞言驚怖亟立姪孫祺為葵後百計
勸勉始進糜粥稱未亡人坐卧一樓哀痛不輟初氏

母憐女少寡衡宇相望間欲迎歸以慰岑寂氏念身
為孀婦足不踰相矧敢數歸寧耶輒辭以止其守貞

秉禮如此訓于義方視
亦博學能文各稟庠序

吳氏

生趙全妻全元配俊氏以翁抱危疾驚憂成
而廢年不娶昔別鶴吟以見志後遵父命

娶吳氏荃以父翁壁卒于京宦扶柩至家治喪廬墓
期滿者三年哀毀繼歿吳氏年二十九歲奉老姑以

孝文祭盡禮
吾嘗待旌

周氏 職方盧之願側室生而淑令職方年餘五十夫有嗣聞周賢聘歸元配徐宜人歿遂以繼生三子職

方失明且病支離床褥者八年家大落抑且外患沓至瀕于覆巢者數矣周厝火不驚雖許允之婦不是

過有成三子不墜家聲至今稱賢母者猶嘖嘖不衰云

鍾氏 文學鍾起龍女處士彭繼周妻歸七年生二子長

堃次基繼周歿氏年二十四志勵栢舟嚙冰霜勤操作先後遭舅姑喪隻身支持誠信無悔年七十六卒宗黨上其事於督學使者學使者旌其門顏曰字

宙完 貞

徐氏 十八歲歸陳其善為繼室其善作賈京師先後還南凡十有五月竟卒於客邸氏是時纔二十九歲

望北長號淚盡繼之以血撫前妻子鵬章成立登乙卯科賢書

王氏 王溥女歸謝天恩為室結褵纔百日天恩歿剩有遺腹子希申氏茹素斷飲坐臥一小室足不踰戶

錢塘縣志

卷之二十九

列女節婦

望

限者十一年子十歲始一出可謂苦節而貞者矣

虞氏 國學盧慈妻文學虞鼎錫女虞詩禮族氏幼嫻習女史內則諸書婚七載慈病且將不起執氏手曰

爾青年無子吾不能為爾計氏慟以死誓姑尼之乃止飲冰嚙檠終身以之慈妹字邑庠生周晉者與氏

同歲婚六載晉亦歿無子姑嫂如一轍今其年各幾七十矣貞女名定者楚弟楚女也許字難寢知縣徐

兆琦子景岱景岱自任來就姻中道歿計至貞女設位哭裂面毀容之死靡忒人謂忠孝節義聚于二姓

豈偶 然哉

徐氏 文學奎兒淑妻年二十歸克潞南四載潞以力學卒八誓以身殉舅姑力止之以有小叔子在汝

漢村克氏逃自延息撫猶子如已出名之曰昌會纔五歲即命就外傅兼且以母教代義方人皆以為賢

道二子一女氏志勵栢舟九熊畫荻有占賢之譽

子命振抱經世才次子維遠成進士... 恭入歿年九十一女適吳元冲甫一載元冲病故氏因依母膝伴嚙冰霜門庭肅穆不聞問以內聲至今八十三歲神明猶是不衰

郁氏 二十歲歸陳煥二十三歲為未亡人遺一子氏承歡姑舅教子義方俾能成立人以為賢

秦氏 適蔣聖啟聖啟以讀書過勞嘔血死氏青年守節誓死靡他藉十指給朝夕坐臥一室中足跡未嘗出戶限歷二十年如一日也

俞氏 俞時篤女孫十九歲許宏初宏初館京師挈眷北赴無何宏初歿時氏年未三十遺二子辛勤

絳織撫育藐孤轉徙而南支離荼苦垂三十載氏妹適徐兆琦者性友愛時加周卹俾得遂其志焉

沈氏 十八歲歸陳有相閱七年夫死遺一女家貧晨夕不給氏矢冰操稱未亡人者四十載年七十有三

宗族里黨方擬請旌

錢塘縣志 卷之五

金氏 年十八適趙攸頤二十七歲夫亡家壁立氏辛勤女職奉姑孝教子嚴婦道母儀兼盡年八十有三

陳氏 文學潘杓煥妻婚二載杓煥歿遺一子堯日氏撫育藐孤為娶室姚不數年堯日又歿煥煥姑媳相依相守陳歿年六十有六姚今已

朱氏 知縣虞廷稷家婦國學虞浩繼室氏父朱英積德好施為鄉耆老氏其次女也歸浩二載浩忽遭時疾屆盛暑氏百計救治禱於神願以身代浩竟不起時氏年纔二十三誓將死殉母勸慰之且日汝張六月盍稍延以字一錢因強起勉進湯飲越月生子棠

厲冰霜居室儉勤事翁姑以孝育子成立垂三十年

邵氏 氏上奉翁姑下撫子女十年間翁姑歿二子相繼

歿女出嫁四載又歿歸依母家母復歿備嘗

荼苦志節彌堅若氏者可謂能為其難者矣

徐氏 冢宰潮從侄女適戴允中期月允中歿家貧無子女氏誓甘同穴冢宰嘉其節時周之歿年正六十

氏 勞 傳 妻 年 五 十 八 四 十 年 節

氏 嘗 苦 節 年 五 十 八 四 十 年 節

氏 嘗 苦 節 年 五 十 八 四 十 年 節

氏 嘗 苦 節 年 五 十 八 四 十 年 節

畢氏 十七歲守節 死殉難

有二人

王氏 曹 紀 妻 陶 氏 劉 邦 妻 毛 氏 江 廷 齡 妻 倪 氏 柴 選 良 妻 江

氏 宋 芳 模 妻 吳 氏 孫 榮 妻 許 氏 王 世 祥 妻 陳 氏 孫 橡 妻 徐 氏

裘 昌 嗣 妻 馮 氏 朱 錦 妻 查 氏 顧 懋 妻 吳 氏 朱 維 新 妻 邵 氏

錢塘縣誌 卷之二十九 列女節婦 聖三

沈 賓 妻 張 氏 朱 鏞 妻 韓 氏 童 必 昌 妻 鈕 氏 朱 維 屏 妻 邵 氏

陳 元 錫 妻 俞 氏 朱 維 簾 繼 室 李 氏 鍾 國 瑞 妻 張 氏 陳 時 英 妻 錢

氏 周 紹 妻 徐 氏 金 印 妻 楊 氏 丁 應 謙 妻 吳 氏 張 奇 生 妻 孫 氏

施 應 鸞 妻 馬 氏 馮 尚 志 妻 鄭 氏 陳 雲 路 妻 吳 氏 朱 維 垣 妻 徐 氏

曹 以 孫 氏 丘 汝 驥 妻 蔣 氏 陳 王 明 妻 俞 氏 沈 基 山 妻 張 氏

失 其 夫 名 陳 吳 氏 生 員 唐 張 氏 唐 圻 屠 氏 生 員

永 正 母 也 汪 氏 邑 庠 生 吳 劍 妻 程 氏 孫 允 昆 妻 汪 氏 張 文 治 妻

唐 鏞 妻 論 曰 節 行 之 難 也 易 言 苦 節 不 可 貞 節 未 有 不 苦 者 也 節 而 至 於 不 可 貞 勢 固 有 不 能 貞 者 此 貞 之 所 以

難也余嘗疑孔子作春秋記二百四十二年之事而婦人之以節見者紀叔姬一人而已豈其時化不遠於閭閻而赴告策書所傳者多公侯之事歟古詩三百其十五國之風謠不爲少矣自蘋蘩桃李鴉鳴草虫以至求桑采葛采蘭贈芍之微無不備載而柏舟之詩又止一共姜何其靳也夫閭內之行冰霜彌厲而雪帷之下晷刻偏長或年少而無依或家貧而莫告或立孤匪易或鮮嗣無親或以母而兼父或以婦而代子遂中年夭折而無聞及衰老笑獨而罕倚誰

錢塘縣志

卷之二十九

列女節婦

四

其顯之誰其述之然而

朝廷有褒揚之典族黨有鄉評之公士大夫有闡幽之義與忠臣共垂於史籍與日月爭耀於彤編氣亦可以少伸矣舊制年踰五十者方得旌表其人亡其節顯乃登邑乘余方有事纂修念苦節之難伸而側陋之易泯故雖在未
四符令典者悉爲存錄以發幽光而勵風俗一邑之貞孝節烈幾數百人可以見

聖朝之化行而俗美已